




ԱՍԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՔԱՐՈՉԸ
ՄԱՅՐ ՏԱԾԱՐՈՒՄ
(1 մարտի 1987 թ.)

«Յանուն Հօր և Որդւոյ և Հոգւոյն Սրբոյ, ամէն»:

«Եւ եղև խաղաղութիւն մեծ» (Ղուկ. Ը 24):

Սիրելի հավատացյալներ, մեր Փրկչի՝ Քրիստոսի խոսքերն են սրանք, արտասանված մի դեպքի առիթով: Սուրբ Ավետարանը պատմում է հետևյալը այդ դեպքի մասին: Հիսուս, ինչպես սովորաբար, շրջապատված իր աշակերտներով շրջում էր քաղաքից քաղաք, տանելու համար բոլորին Աստուծո խոսքը: Պատահում է, որ կգտնվեն ծովի ափին և անցնեն մյուս ափը շարունակելու իրենց առաքելությունը: Հիսուս հոգնած էր և նավի վրա քունը տանում է: Երբ նավը հառաջանում է իր ճանապարհին, անսպասելի կերպով քամի է բարձրանում: Ալիքները հետզհետե հուզվում են, բարձրանում, և ահա սկսվում է մի սաստիկ ալեկոծում: Հիսուսի աշակերտները սարսափում են, փորձում են մի կերպ պահել նավակի հավասարակշռությունը, բայց դժվարանում են, վախենում են հանկարծ չլինի շուտ գա նավը: Սակայն, տարօրինակ երևույթ, ալեկոծումը Հիսուսի քունը բնավ չի խանգարում: Նա շարունակում է անվրդով քնանալ: Ի վերջո աշակերտները արթնացնում են նրան, ասելով՝ Վարդապետ, կործանվում ենք: Հիսուս արթնանում է, նայում է շուրջը և իր առաջին խոսքը լինում է հանդիմանություն իր աշակերտներին, թե ի՞նչ եք այդքան վախենում, ինչո՞ւ այդքան պակաս է ձեր մեջ հավատքը: Եվ հետո դառնում, իր սաստը ուղղում է ալիքներին: Քիչ հետո ալիքները աստիճանաբար հանդարտվում են, փոթորիկը անցնում է և լինում է «խաղաղություն մեծ»: Զարմանում են աշակերտները, թե այս մարդը ինչպիսի՞ն է, որ կարողանում է նույնիսկ բնության ուժերի վրա ազդել և փոթորիկը խաղաղեցնել:

զենքերի օգտագործումը, ստեղծելու խաղաղ և համերաշխ մի աշխարհ: Մեզ՝ քրիստոնյաներին համար, մեծապես ողջունելի են նման միջոցառումներ, հավաքություններ, համաժողովներ, որովհետև մեր քրիստոնեական հավատքին խորապես համապատասխանում է խաղաղության գաղափարը: Եվ այս փոքրիկ պատմվածքը, Ավետարանից վերցված, ցույց է տալիս նույնպես այդ խաղաղության տենչը, մանավանդ, մարդկային հավատի ուժը՝ ներգործելու արտաքին արհավիրքների ու վտանգների վրա, ստեղծելու համար խաղաղ գոյավիճակ:

Աղոթենք առ Աստված, որ նաև մեր օրերին և մոտ ապագային, բոլորիս աղոթքներով և մեր բարի մաղթանքներով, աշխարհի խոնարհ բազմությունների արդար երազանքները իրականանան, պսակվեն հաջողությամբ, և համայն աշխարհում ընդմիշտ լինի «խաղաղություն մեծ», այժմ և հավիտյան, ամեն:

